

中吳紀聞卷第四

太公避地處

常熟海隅山有石室十所昔太公避紂居之孟子謂太公避紂居東海之濱者此也常熟去東海正六十里故謂之海濱楊備郎中嘗作詩紀其事

范忠宣公

范純仁字堯夫為人寬厚長者文正嘗使至鄉還至京口見石曼卿數喪未舉盡以麥舟與之

毛拉云十七疑倒

蘇黃門稱其爲佛地位中人觀此亦可以見矣
元祐初自慶帥召爲給事中遂執政柄未幾拜
右僕射凜然有父風烈爲宰相一年出知潁昌
府旣而復入相坐元祐黨散官安置元符三年
徽宗卽位復欲召爲相尋卽下世遺表有云蓋
嘗先天下而憂期不負聖人之學此先臣所以
教子而微臣所以事君後御題其墓碑云世濟
忠直之碑子正平字子夷正思字子默學行亦
爲士林所稱

滕章敏公結客詩

滕章敏慷慨豪邁不拘小節少嗜酒浮湛里市
與鄭獬毅夫爲忘形友議論風采照映一世嘗
與毅夫及楊繪元素同試京師自謂必魁天下
與二公約若其言不驗當厚致其罰已而鄭居
榜首楊次之公在第三二公責所約之金答曰
一人解一人會吾安得不居第三俱一笑而散
公平生不妄交遊嘗作結客詩云結客結英豪
休同兒女曹黃金裝背鏃猛獸畫旗旄北闕芒

星落中原王氣高終令賀蘭賊不著赭黃袍其
立志可見矣

思賢堂

郡齋後舊有思賢堂以祠韋白劉三太守後更
名三賢紹興末洪內相景嚴爲郡益以唐王常
侍仲舒本朝范文正之像復號爲思賢堂今叅
政范公作記郡庠亦有二賢堂繪文正范公并
安定胡先生及光祿朱公像於其
中

顧學正

抄本公病渴而
卒五字注在如
字下

顧襄字公甫爲太學上舍生名聲藉甚士流皆
推之登熙寧九年第調潤州丹徒尉召還爲太
學正元豐五年卒於京師時二親猶在鄭達夫
太宰與公甫爲同舍生以詩挽之云可惜病相
如誰尋封禪書公病瘍而卒雙親千里外一葉九秋
餘風露翻歸旆塵埃鎖故廬虎丘山下路會葬
有鄉車廣文官舍冷如水幾歎朝衫脫未能忽
買春田埋玉地猶懸絳帳讀書燈佳名空綴仙
都石妙偈爭傳海寺僧一幅粉旌春水漫惜君

誰不涕奔騰

鄭希尹

鄭景平字希尹居帶城橋為人剛正不詭隨蒞
官有廉聲嘗為大理每有疑獄中夜焚香露拜
斬得其情以故人無寃死者既而請老家居朝
廷以其精力有餘落職致仕守鄱陽到官未半
歲拂袖而歸先君與公厚善因問其故答曰天
子命景平為郡守當以撫字為職乃不得行其
志今日須金幾百兩明日須金幾千兩枯骨頭

職字當衍落致
仕守者去其致仕
也

抄本無在字

俛抄本作折

上打不出也景平後世要人身在其志竟不可
奪也時朱勔用事勢可炙手士大夫俛節從之
者甚多惟公始終無附意子細字天和

執爨詩

程光祿自幼悟穎年五六歲時戲劇竈下家奴
嫚之曰汝能狹劣爾豈解為文章邪公怒曰吾
豈不能家奴曰試為我吟一燒火詩即應聲曰
吹火鶯脣歛投柴玉腕斜回看烟裏面恰似霧
中花甫冠登第

太平廣記所載
乃夫詠其妻執
爨詩今移於此
事境殊不合

王元之画像

虎丘御書閣下有王黃州畫像東坡過蘇日見之自謂想其遺風餘烈願爲執鞭而不可得因爲之作贊今猶書其上

雙蓮堂

雙蓮堂在木蘭堂東舊芙蓉堂是也至和初光祿呂大卿濟叔以雙蓮花開故易此名楊備郎中有詩云雙蓮倒影面波光翠蓋風搖紅粉香中有畫船鳴鼓吹簷然驚起兩鴛鴦政和中盛

密學季文作守亦產雙蓮范無外賦木蘭花詞云美蘭堂晝永晏清暑晚迎涼控水檻風簾千花競擁一朵偏雙銀塘盡傾醉眼訝湘娥倦倚兩霓裳依約凝情鑑裏竝頭宮面高粧蓮房露臉盈盈無語處恨何長甫翡翠憐紅鴛鴦妒影俱斷柔腸淒涼芰荷暮雨褪嬌紅換紫結秋房堪把丹青對寫鳳池歸去携將

孫若虛滑稽

孫實字若虛早年英聲藉甚性好滑稽郡庠有

同舍生牛其姓者因作牛秀才賦嘲之云腰帶
頭垂尚有田單之火幘頭脚上猶聞甯戚之歌
又作書語集句譏一老生云孜孜爲善雞鳴起
先王之道斯爲美四十五十無聞焉斯亦不足
畏也時已樂圃先生爲教授知之命其父訓敕孫
由此發憤游太學不數歲登第而歸嘗入朝爲
寺丞後守台州卒

慧感夫人

慧感夫人舊謂之聖姑或以爲大士化身靈異

廳抄本作廳

甚著祝安上通守是邦事之尤謹每有水旱惟
安上禱祈立驗後以剡薦就除台守旣至錢唐
詰旦欲渡江夢一白衣婦人告之曰來日有風
濤之險旣覺頗異之卒不渡至午颶風倏起果
覆舟數十獨安上得免一夕盜之祠中竊取其
幡平日廟史入視之見一人以幡纏其身環走
殿中因執以問答曰某實盜也夜半幸脫已踰
城至家矣今不知潛制於此神之威靈使然敢
不伏辜建炎間賊虜將至城下有一居民平昔

避字是此但今避
去而已更無他規
畫道地也
抄本無所字

謹於奉事夢中告之曰城將陷矣速爲之避謹
勿以此告人佛氏所謂劫數之說不可逃也不
數日兵果至其它神驗不一後加封慧感顯祐
善利夫人今叅政范公作記

元少保

元絳字厚之居第在帶城橋登天聖五年進士
甲科初任金陵幕官尋卽進用屢爲藩郡帥時
有傳儂智高餘黨寇二廣者遂以公知廣州而
所傳乃妄因改趨越州公謝上表云忽聞羽檄

明光是亦見唐書
李德裕傳

之音謂有龍編之警橫水光明之甲得自虛聲
雲中赤白之囊偶爲危事橫水光明之甲乃唐
時誤傳寇至事見李德裕獻替記人服其工公
在金陵時王荆公之父益爲通守與公厚甚荆
公旣相神宗一日欲謹選翰林學士公久在外
老於從官荆公對曰有真翰林學士但恐陛下
不能用爾況已作龍圖閣學士難下遷知制誥
遂自外遷翰林學士中外大驚旣就列有稱職
之譽公最長於四六多取古今傳記佳語爲之

神宗友愛嘉岐二王不許出閣二王固辭後因
改封先召公謂之曰可於麻詞中勿令更辭公
遂草制其略云列第環宮彌聳開元之盛側門
通禁共承長樂之顏神宗甚愛之自是二王不
復辭未幾叅大政元豐中罷政知潁州時以藩
邸升爲順昌軍節度公作謝表云燾土立社是
開王者之風乘龍御天厥應聖人之作按圖雖
舊錫命惟新又曰興言駿命之慶基宜申中軍
之望府謂文武之德順而聖唐虞之道明而昌

合爲嘉名以侈舊服士大夫皆傳誦之後以太
子少保致仕歸吳中公旣還鄉與程光祿諸公
爲丸老會日以詩酒自娛年七十餘卒有玉堂
集三十卷初公知荆南嘗夢至仙府與三人連
書名旁有告之曰君三人蓋兄弟也覺而思之
不知所謂旣入翰林爲學士韓持國維楊元素
繪在院一日因書奏列名三人偏傍皆從系始
悟夢中兄弟之意旣而持國元素皆補外公亦
尹京兆後三年復與元素還職而鄧文約綰相

系之狄反細絲也
玉篇自有糸部
抄本作絲非

繼爲直院則三人之名又皆從系蓋始終皆同
以此知升沉進退決非偶然者許大夫選嘗作
四翰林詩記其事公和云連名適似三株樹傳
玩驚看五朶雲此亦一時之異也

仲殊

仲殊字師利承天寺僧也初爲士人嘗與鄉薦
其妻以藥毒之遂棄家爲僧工於長短句東坡
先生與之往來甚厚時時食蜜解其藥人號曰
蜜殊有寶月集行於世慧聚寺詩僧字草堂以

其喜作豔詞嘗以詩箴之云大道久凌遲正風
還侈隳無人整頽綱目亂空傷悲卓有出世士
蔚爲人天師文章通造化動與王公知囊括十
洲香名翼四海馳肆意放山水灑脫無羈縻雲
輕三事袖銜錫天下之詩曲相間作百紙頃刻
爲藻思洪泉瀉翰墨清且竒惜哉大手筆胡爲
幽柔詞願師持此才奮起革澆漓驚彼東山嵩
圖祖進豐碑再續輔教編高步凌丹墀它日僧
史上萬世爲著龜迦葉聞琴舞終被習氣隨伊

嵩抄本作嵩
幽字似非本文

予浮薄人贈言增忸怩倘能循我言拂日重光
離老孚之言雖苦口殊竟莫之改一日造郡中
接坐之間見庭下有一婦人投牒立於雨中守命
殊詠之口就一詞云濃潤侵衣暗香飄砌雨中
花色添憔悴鳳鞋溼透立多時不言不語厭厭
地眉上新愁手中文字因何不備鱗鴻寄想伊
只訴薄情人官中誰管閑公事後殊自經於枇
杷下輕薄子更之曰枇杷樹下立多時不言不
語厭厭地

如村

胡嶧字仲達五柳之子文與行皆能繼其父與
方子通爲忘年交後以年格推調安遠尉非其
志也乃取老杜諸孫貧無事宅舍如荒村之句
自號如村老人治圃築室遺外聲利自放於閑
適而終不出仕有文集二十卷號如村冗藁唯
室先生及叅政周公葵皆爲作序子伯能登進
士第

鄭毅夫吳江橋詩

鄭獬字毅夫嘗作吳江橋詩寄劉攽叔懋云三百闌干鎖画橋行人波上踏靈鼇插天蟠竦玉腰潤跨海鯨鯢金背高路直鑿開元氣白影寒壓破大江豪此中自與銀河接不必仙槎八月濤劉時為吳江尉亦有和篇皆刻之石鄭詩題云寄同年叔懋秘校劉於詩前具位加榜下二字於其上乃原父之弟也

張幾道挽詩

張僅字幾道居萬壽寺橋與顧棠叔恩皆為王

荆公門下士荆公修三經義二公與焉幾道登第未幾捐館方子通作挽詩云吳郡聲名顧與張龍門當日共升堂青衫始見登華省丹旄俄聞入故鄉含淚孤兒生面垢斷腸慈母滿頭霜嗟君十載人間事不及南柯一夢長至今誦其詩者為之出涕吳人日子通為方挽詞幾道官至著作郎

范文正不取燒煉方

范文正少養於朱氏朱南京人文正幼年肄業

京學同舍有病者親為調藥以療病亟屬文正
曰吾無以報子平生有一術遊遠方未嘗窮乏
者用此術也今以遺子因授藥一囊方書一小
冊文正不得已留之未嘗取視後二十餘年得
其子還之封記如故

夜航船

夜航船唯浙西有之然其名舊矣古樂府有夜
航船之曲皮日休荅陸龜蒙詩云明朝有物充
君信樽酒三瓶寄夜航

俗語

吳人呼來為釐始於陸德明詒我來牟蓋德明
吳人也又吳人言罷則以休繼之始於吳王
昔吳王語孫武子曰將軍罷休亦吳語也

方子通詩誤入荆公集

方子通一日謁荆公未見有詩云春江渺渺抱
牆流烟草茸茸一片愁吹盡柳花人不見春旗
催日下城頭荆公親書方冊間因誤載臨川集
後人不知此詩乃子通作也

盧發運

公諱秉擢皇祐元年進士第元豐中爲發運使其父太中公退老公每歲上計得請歸鄉後帥涇原悵辭歸養屢賜手詔慰勉時以爲榮

大雲翁

林宓字德祖旦之子擢進士第爲常州教授在職六年學者信服大觀二年大比試決科者四十餘人於是賜詔曰閱前日賓興之數較其試中多寡惟常州爲最苟依常格推恩非古人進

賢受上賞之意特改宣德郎郡守因以進賢揭坊名於學之南郡人榮之後除河北路提舉學事任滿除開封府左司錄居數月浩然有歸志優詔如所請公旣勇退屏置朝服足不踐州縣舊隱在大雲坊因自號大雲翁卒年六十六葬博士塢平生好古嗜學有大雲集一百卷神宗皇帝聖訓錄一十卷

花客詩

張敏叔嘗以牡丹爲貴客梅爲清客菊爲香客

瑞香爲佳客丁香爲素客蘭爲幽客蓮爲淨客
酴醾爲雅客桂爲仙客薔薇爲野客茉莉爲遠
客芍藥爲近客各賦一詩吳中至今傳播

中吳

平江本吳國在秦屬會稽郡東漢分會稽置吳
郡陳爲吳州隋爲蘇州大業末復爲吳郡唐武
德中復爲蘇州乾寧中錢氏據錢塘蘇湖之南
悉其奄有後唐爲中吳軍節度皇朝興國中置
平江軍節度又復篇之蘇州嘗爲徽宗潛藩遂

又復二字疑衍又
州字當重文合
下句

陞爲府

祖姑教子登科

予之祖姑適知泉州德化縣李處道祖姑甚有
文讀書通大義賦詩書字皆過人其子援登進
士第乃祖姑所親教也晚而事佛誦蓮經皆千
過嘗問法於圓照禪師師名之曰守安年幾七
十而卒旣得疾卽屏藥餌書佛頂呪焚之灰爲
丸并以燃燈法授援曰我死置灰丸懷中燃燈
如法也因起坐誦大士名號久之而化旣小殮

視其手指屈結皆成印相佛徒歎服沙門爲不可及張文潛學士爲墓誌首記其事

范祕丞

范世京字延祖龍圖公之子登皇祐五年進士第調應天府柘城簿和州歷縣令時龍圖公出守四明公亟走膝下曰人子者事親之日少而事君之日多豈忍曠年失定省邪旣而龍圖公捐館扶喪歸鄉垢面跣足晝夜哀號不絕行道之人莫不嗟惻服除知秀州海鹽縣勸民孝友

睦姻及耕桑之事治聲動浙右熙寧初朝廷銳意改作召公管勾湖北廣惠倉至京師論不合乃辭歸舊治海旁之民間公復來驩呼鼓拊已而有疾乞以本官歸田里乃卒詔授祕書丞致仕享年四十一公居鄉與樂圃先生甚厚有文集若干卷藏于家

徐朝議

九老徐師閔元絳程師孟閻丘孝終王琬蘇湜

徐師閔字聖徒仕至朝議大夫退老于家日治園亭以文酒自娛樂時太子少保元公絳正議

會昌抄作侶無
會字

廣化抄作化廣

大夫程公師孟朝議大夫間丘公孝終亦以安
車歸老因相與繼會昌洛中故事作九老會章
帖爲郡守大置酒合樂會諸老於廣化寺又有
朝請大夫王琬承議郎通判蘇溫與馬上賦詩
爲借諸公皆屬而和之以爲吳門盛事元公少
保和篇云五日佳辰郡政閑延賓談笑豁幽關
蘭門歌舞尊壘上林屋烟霞指顧間德應華星
臨穎尾年拘皓髮下霜顏留花美酒疎鐘永坐
見斜暉隱半山方子通亦有和篇云使君瀟灑

上賓閑金地無人晝闕關風靜簫聲來世外日
長仙境在人間詩成郢客爭揮翰曲罷吳姬一
破顏此節東南無此會高名千古映湖山章獾
以五日開宴故上詩皆及之

顏夫子

顏長民登元豐二年進士第三子采爲孚亦相
繼擢高科采字君用終提舉常平爲字仲謙終
嚴陵守孚字端中崇觀間有聲於太學士行甚
美每試必居前列皆目之爲顏夫子人欲識其

此節指五日言際
非

面而不可得既登第滕樞密康許嫁以女尋卽下世

信義縣

崑山在蕭梁時分婁置縣號信義屬信義郡大同初分信義置崑山縣華亭舊亦爲蘇之屬邑或云嘗割崑山之境以縣華亭今華亭亦有崑山時人嘗以片玉比機雲兄弟而以此爲北崑山縣舊有城古圖經云在縣東三百步今謂之東城者是也近歲耕者於薦嚴寺田中得城磚

甚多及箭鏃以銅爲之識者疑其爲春秋時物今縣之西二十里許有村曰信義如婁縣之存舊名也俗遂訛爲鎮義汴人龔猗仕至殿中侍御史居於是村之南因插銀杏枝活時人異之目爲遇仙云

李無悔

李無悔名行中本雪川人徙居淞江高尚不仕獨以詩酒自娛晚治園亭號醉眠東坡先生與之游夜以詩贈之無悔有讀顏魯公碑詩云平

生肝膽衛長城至死圖回色不驚世俗不知忠
義大百年空有好壽名又賦佳人嗅梅圖云蠶
眉鴉鬢縷金衣折得梅花第幾枝嗅盡餘香不
回面思量何事立多時其詩意尚深遠大率類
此

蟹

吳之出蟹舊矣吳越春秋云蟹稻無遺種又陸
魯望集有蟹志云漁者緯蕭承其流而障之曰
蟹餽又曰稻之登也率執一穗以朝其魁然後

斷銀
乃音也

縱其所之今吳人謂之輸芒

大本錢王後身

圓照在靈巖時有一藍縷道人自號同水客往
造其室中守門者莫能遇既而圓照屏侍者與
語竊聽之者聞圓照末後一語云汝今幾甲子
矣答云八萬四千恒河沙數甲子圓照云八萬
四千恒河沙數甲子以前又作麼生道拂袖而
出云錢大錢大又待瞞人也當時疑圓照爲吳
越後身道人爲洞賓

抄本無者字

語抄本作則

邾正夫失鶴詩

正夫童時作失鶴詩云久鎖冲天鶴金籠忽自
開無心戀池沼有意出塵埃鼓翼離幽砌凌雲
上紫臺應陪鸞鳳侶僊島任徘徊其志已不凡
矣

黃姑織女

崑山縣東三十六里地名黃姑古老相傳云嘗
有織女牽牛星降于此地織女以金篦劃河水
湧溢牽牛因不得渡今廟之西有水名百沸河

牛下抄本有郎
字

鄉人異之爲之立祠按荆楚歲時記黃姑者河
鼓也牽牛謂之河鼓後人訛其聲爲黃姑潘子
直云亦猶橐落之語轉呼爲橐郎耳鄉人因以
名其地見於題詠甚衆古樂府云東飛荀勞西
飛燕黃姑織女時相見李太白詩云黃姑織女
相去不盈尺李後主詩云迢迢牽牛星杳在河
之陽粲粲黃姑女耿耿遙相望劉筠內翰詩云
荀勞東翥燕西飛又報黃姑織女期其它不能
盡載雖非指此黃姑然得名之由亦可類推祠

盃當作杯
環字
書無之

中列二像建炎兵火時士大夫多避地東岡有
范姓者經從祠下題於壁間云商飈初至月埋
輪烏鵲橋邊綽約身聞道佳期唯一夕因何朝
暮對斯人鄉人遂去牽牛像今獨織女存焉禱
祈之間靈跡甚著每運七夕人皆合錢爲青苗
會所收之多寡持盃玳問之無毫釐不驗一方
甚敬之舊有廟記今不復存矣

孫積中

孫載字積中其曾祖漢英仕錢氏嘗爲蘇州峴

山鎮防遏使故爲峴山人公初岐嶷如成人旣
學爲師友所推譽治平二年進士及第爲河中
府戶曹更三守皆立威嚴者公獨與之爭曲直
矯矯不少下終以此見知或稱薦之中書檢正
官察訪關中辟公爲官屬公務伙助之亦不苟
與之合乾祐縣去永豐最遠青苗法行乾祐不
以予民察訪怒移其令檄公往案之公還言邑
小民貧其徒以黍麥博易爲生且法之初民未
知稱貸於公家爲利令無罪且遷其任用薦者

遷官知湖州德清縣公聽斷精明不專任刑罰
開說其是非出於至誠訟有累年不決者聞公
一言感悟相捨去熙寧八年吳越饑獨縣中熟
公勸大家乘時倍糴得米一十餘萬斛明年春
米價騰踴公平其直使糴賴以全活者至不可
數計其他便民者別有十數事德清人至今德
公又用薦者遷官知考城縣官制行換奉議郎
其治考城如德清於_目也以最聞縣四鄰皆
重法地素饒盜公明常格嚴保伍姦無所囊橐

一日都監與尉來告盜集境上將以上元掠近
郭至期公張燈與其僚樂飲許民嬉游不禁夜
如故事盜測遂遁去迄公受代亦無復鼠竊者
府界提點薦公于朝他使者亦相繼上公治狀
神宗出氏名付中書蓋欲用公矣未幾除廣東
路常平召見便殿以遣之二廣使者春夏例簡
出公至則犯隆暑徧行所部宣布德意哲宗卽
位轉承議郎諸路常平官廢公赴吏部授通判
陝州移廣東轉運判官於是公去嶺五年矣吏

有常不快於公者頗欲棄官公聞而慰留之乃
舉焉紹聖初復諸路常平官除公河北西路改
知海州已而除沂州興學養士走書幣招禮宿
儒爲學者師表治務大體遷朝奉大夫知婺州
移淮東路轉運判官又移淮西路提點刑獄徽
宗卽位遷朝請大夫知亳州言者謂公嘗附薦
元祐黨人得提舉杭州洞霄宮卽歸崐山日與
親戚閭里置酒棊奕道故舊爲樂任且滿本路
使棊等言係先朝所選擢名在循吏年雖高精

甚字似當有

力幸未甚衰願使再任以示優老之意詔從之
大觀中遷朝議大夫未幾公亦自上章乞守本
官致仕公體素無疾先一月至其先人墳隴徧
謁諸所往來者若將別然旣亟呼妻子與訣屬
以後事問日早晏盥手焚香卽寢而逝享年七
十有五葬高景山公天資樂易於吏治尤所長
使四路典三大郡咸著循跡每遇物無忤害所
至汲引其屬士大夫受薦者至四百餘人多知
名且貴顯於世者自少喜讀易慕唐人爲詩著

易釋解五卷文集五十卷藏于家

王主簿

王仲甫字明之岐公之猶子風流翰墨名著一時後客于吳門嘗有所愛往京師爲岐公強畱之逾時不返因作詩云黃金零落大刀頭玉筍歸期劃到秋紅錦寄魚風逆浪碧簫吹鳳月當樓伯勞知我經春別香蠟窺人一夜愁好去渡江千里夢滿天梅雨是蘇州此詩效古樂府藁砧今何在體人皆愛其巧其歿也丁永州注葆

經抄作驚

光祭之有云爽秀豪拔出於天資談經咏史博識周知文華自得不務競時古格近體率意一揮金玉鏘揚組繡陸離世俗所得特其歌辭又云生習華貴不見艱巖徘徊鳴閣出入鳳池乘興南游曠達不羈朝賞夕晏選勝搜竒擺脫冠裳卻去輪蹄不驚榮辱不置是非擾擾萬緒付于一卮頽然終日去智忘機王之爲人於此可見矣

著作王先生

其語氣文法實與本書不類當出王氏子姓所竄

舊本無此一則應是後人所增毛校云

著作王先生程門高弟諱蘋字信伯世居福之
福清父仲舉徙平江政和元年卒葬吳縣橫山
桃花塢誌其墓者江公望書其誌者陳瓘也先
生爲人清純簡易達於從政有憂時愛君之心
有開物成務之學高宗駐蹕平江守臣孫佑薦
於朝賜對前後所上疏劄類切于時宜聖諭以
通儒目之賜進士出身除祕書省正字兼史館
校勘遷著作佐郎受勅正朱墨史官至左朝奉
郎與門人陳長方楊邦弼講道于鎮澤如楊龜
山尹和靜胡文定皆深推讓吳中道學之傳莫
盛于先生紹興二十三年卒于家葬湖州長興
縣和平鎮茅栗山門人章憲撰誌吳中閩中皆
祠于學其子大本兩浙安撫司參議先生平生
所註論語集解古今語說著作文集并高宗所
賜勅及遺像震澤記善錄至今藏于家子孫世
守府城德慶坊故居云

中吳紀聞卷第四


虞山毛晉校刊 男辰再校

寶夫宗

附刊

大雲余密

父抄字



程